

Uffants – furmaziun – giuvenils

«Marellas» dal Radio Rumantsch sin disc cumpact, part 22

Giugarets e termagls

La poppa preferida, il chaval da ballabaina, l'emprim auto u la chasa da duplos – mintgin ha ses giugaret preferi. Els en part da noss'istoria ed ans commovan ed accumpognan er anc onns pli tard. Co e cun tge giugavan mats e mattas ils onns 1950 e 1960? Tge è sa midà dapi quella gida? Giogan las mattas er anc oz cun autras chaussas ch'els mats? E tge è in summa in bun giugaret? Persunas dal fatg ed umens e dunnas da differentas vegliadegnans raquintan da lur giugarets e termagls preferids. (Emissiun dals 4 da matg 2014; redacziun: Guadench Dazzi).

L'uffant è ses agen magister

Quai è ina da las ideas da la pedagogia da Montessori. Il process d'emprnder succeda en l'uffant sez. Els creschids ston en emprima lingua accumpagnar ils uffants ed observar fitg bain cur ch'è arrivà il dretg mument per la dretga chaussa. Avant passa 100 onns ha la media taliana Maria Montessori sviluppa ses concept pedagogic. Oz datti en blers pajais scolares e scolinas da Montessori. La scolina da Montessori a Cuira è privata ed exista dapi l'onn 1991. Els ultims dis ha il cudesch d'uffants «Uorsin» occupà ils uffants, per ina pitschna representaziun da teater. (Emissiun dals 22 da zercladur 2008; redacziun: Maria Cadruvi).



La scolina da Montessori a Cuira è privata ed exista dapi l'onn 1991. Els ultims dis ha il cudesch d'uffants «Uorsin» occupà ils uffants, per ina pitschna representaziun da teater. (Emissiun dals 22 da zercladur 2008; redacziun: Maria Cadruvi).

Dapli che mo sautar ses num...

Tge è la pedagogia da Rudolf Steiner propi? Datti in summa reglias in ina scola Steiner? Saut'ins propi trasora ses num e n'emprnda betg bler auter? Èn ils uffants abels da surviver en in mund competitiv cur ch'i vegnan or d'ina scola Steiner? A la tschertga da respostas ha la Marella visità las sulettas duas scolares Steiner en il Grischun: la Scuola Steiner Scuol e la scola spziala ad Avrona. (Emissiun dals 31 da matg 2015; redacziun: Astrid Alexandre).

Il magister / la scolasta:

Ina professiun en moviment

Scolares e scolares che preschentan resultats mediochers, dumondas da disciplina, problems cun l'integrasiun d'uffants d'autras culturas. La scola e l'instrucziun stantan adina puspè en il center da l'attenziun. È la scola propi in crisa, co vesan magistras e scolasts lur professiun, cun tge problems en els efectivamain confruntads e tge reputaziun ha oz lur vocaziun? L'inspectur Pauli Dosch, il magister primar Jon Duri Vital e la scolasta secundaria Yvonne Gienal rapportan da lur lavur, lur experiensas e perspectivias. (Emissiun dals 9 da november 2003; redacziun: Guadench Dazzi).

Co ha il magister dad esser ozendi?

El ha dad esser fair, ella ha dad esser engaschada, betg mo en scola, el sto esser pront da sa scolara adina vinavant, ella sto er educar ils uffants... Tar nagin'autra professiun datti uschè bleras opiniuns e vistas davart la dumonda co ch'el, il magister, u ella, la magistra, han dad esser. Tgi pretendia tge? E co van magistras e magisters enturn cun las pretendiuns permanentas? Nus preschentan ina magistra da 56 onns ed in magister da 31 onns ch'han chattà lur atgna rolla e lur atgna moda da vegnir a frida cun tut quai che vegn pretendi. (Emissiun dals 1 da mars 2009; redacziun: Chatrina Josy).

Il cussegl da scola tranter mazza e martè

Pli baid fascheva il cussegl magari in la giada l'onn ina visita en stanza da scola, tscherniva la magistraglia e controllava ch'els uffants sajan a chasa, cur ch'il zain da notg tutga. Ozendi è la paletta d'in-



L'uffanza – scuvrir e conquistar il mund giugond.

FOTO: PD

cumbensas fitg vasta. Ella cumpiglia l'elavuraziun d'in profil directiv, soluziuns da conflicts, repartiziun da pensums, discurs cun collavuratur e geniturs e naturalmain tegnaire en egl las finanzas. Tge fa il cussegl da scola precis, datti anc avunda persunas che vulan surpigliar quest'incumbensa e cura dovra ina scola communal in manader da scola? (Emissiun dals 23 da settember 2012; redacziun: Guadench Dazzi).

Dapi 25 dis en l'emprima classa

La Marella fa ina visita a l'emprima classa da Scuol. Els emprndan igl «m» dal «martè» ed els enconuschan las cifras d'in fin tschintg. Suenten ils emprims 25 dis guarda la Marella sur las spatlas dals 14 uffants e da lur magistra: Co s'adattan ils scolares a las structuras e ad las reglias novas e tge fa la magistra per crear in bun ambient en classa? Nus discurren er cun il geniturs che vegnan confruntads cun novas ideas e cun novs giavischs che lur pitschens portan a chasa dal plaz da scola. (Emissiun dals 24 da settember 2006; redacziun: Sara Hauschild).

Pli baid e pli gugent – uffants da quatter onns emprndan englais

Per ils creschids po quai esser ina chaussa stentusa d'emprnder ina lingua estra. Els uffants pitschens però emprndan ina nova lingua sco da far in giu. Quai ha experimentà er la scienziada e linguista Helen Doron. Ed ella ha sviluppa in'atgna metoda per mussar englais ad uffants davent dad in onn ensi. Dapi dus onns e mez vegnan offrids er en Svizra curs per emprnder d'instruir tenor questa metoda. E dapi in mez onn porscha Ursula Mazzocchi a Cuira uras d'englais per uffants tenor la metoda da Helen Doron. En la Marella pon ins udir co ch'i tuna en

ina tala ura d'englais. Ed ins vegn er a savair pertge che geniturs rumantschs mettian lur uffants ad early english. (Emissiun dals 18 da december 2005; redacziun: Maria Cadruvi).

2 + 2 = 5 u far quint fa mal il chau.

Da gusts e frusts cun la matematica
Per ils ins en cifras e quints ina chaussa sitga, lungurusa u in summa nunchapibla. Auters perencunter en lieu e flomma per quest mund cun sias reglias logicas e las soluziuns cleras. Per il matematicher Jon Florin è la matematica in lingua internaziunala, in art che s'exprima cun furmlas elegantas. La terapeuta Salome Michael lavura dapi onns cun scolares e scolares che na vegnan betg a frida cun ils dumber. La Marella dat in'invista en il mund da las cifras e rapporta da gusts e frusts cun la matematica. (Emissiun dals 8 da schaner 2006; redacziun: Guadench Dazzi).

Promozioni da duns extraordinaris

I dat umans cun duns extraordinaris, umans che fan il doctorat en medischina gia cun 17 onns ni ch'han cumponi lur emprima opera en la vegliadetgna da 7 onns. Per vesair tals resultats, hai num da promover quests talents gia da pitschen ensi. A Turitg datti la Talenta, ina scola primara nua che mo talents extraordinaris van a scola. En il Grischun n'èsi vegni fatg tant sco nagut fin oz. Uss cun la nova lescha da scola duai quai dentant sa midar. En la Marella discurren nus cun Men Wieland (rectur da l'Institut Otalpin a Ftan), Roman Stecher (magister primar a Domat), Anderas Müller (servetsch psicologic a Cuira) e Giosch Gartmann (manader da l'Uffizi per secturs spezial da scola). (Emissiun dals 6 da matg 2001; redacziun: Daniela Cavelti).

POS e ritalin u: Tge far sche la concentrasiun manca?

«En scola senza ritalin è per mai schaisse!», di in mattatsch da 11 onns ch'ha POS. Quels trais bustabs stantan per «Psychoorganisches Syndrom» ed inditgeschan in disturbi d'attenziun. Uffants da POS n'èn betg malsauns ed er betg tups. Ma lur cumportament è different. Els han difficultads da sa concentrar. 70 % da las difficultads ch'i dat en scola datti para perquai che la concentrasiun manca. E quai che vala en scola vala er en bleras situaziuns dals creschids. «Emprnder da sa concentrar è ina chaussa da bunamain tut la vita», di il psicolog e psicoterapeut Andreas Müller – pia in tema che pertutga nus tuts, cun u senza POS e ritalin. (Emissiun dals 16 da schaner 2005; redacziun: Maria Cadruvi).

La giuventetgna e ses temp liber

Tge basegn han giuvenils e giuvenils che vivan en Surselva? Co èn els cuntents cun la purschida existenta? Tge giavischan els? Quant èn els pronti da contribuir per crear lur temps liber? La Regiun Surselva è sa fatschentada cun la lavur da giuventetgna ed ha fatg lavur da pionier en il Grischun. Il concept elavurà ha la finamira d'introducir la lavur da giuventetgna en las singulas vischnancas. La Marella preschenta quest concept e discurre cun giuvenils e giuvenils. (Emissiun dals 19 d'october 2008; redacziun: Valentin Schmed).

Giuventetgna – polizia – spazi liber

La lescha da polizia a Cuira è vegnida midada avant prest tschintg onns. E dapi prest tschintg onns n'è la giuventetgna betg pli cuntenta cun ella. Davent da las 00:30 na dastgan els betg pli baiver ina gervosa en il public e da las 02:00 durant

l'emna e las 03:00 la fin d'emna èsi fini cun sortida. Nus avain prendi sut la Marella las differentas partidas, accumpagnà la polizia, discurre cun giuvenils e discuta cun politiclers. (Emissiun dals 31 da mars 2013; redacziun: Prisca Bundi).

Giuvenils e lur relaziun cun cretta e baselgia

In studi nazional di che 3 da 4 persunas tranter 16 e 25 onns na s'identifitgeschan betg cun la baselgia. La cretta e las religiuns en però tuttina in tema tar la giuventetgna. En la Marella raquintan confrimands da las experiensas ch'els fan cun la cretta e cun la baselgia. In giuven da 31 onns di pertge ch'el è sorti da la baselgia. E la Marella fa er visita tar in cult divin da la baselgia libra e giuvna ICF che venda il pled da la Bibla cun blera show e spectacul. (Emissiun dals 27 da mars 2005; redacziun: Sara Hauschild).

Cur che l'amur fa mal

Tgi n'enconuscha betg els, ils gronds, grevs sentiments e sintoms dal mal d'amur. Il maris che fa «Schluss», la lètg che va dapart, la flomma ch'ignorescha ils agens fermes sentiments. Umans giuvenils e pli vegls raquintan lur istorgias d'amur per part fitg intimas ed actualas. Tadlai ina Marella da cors ch'ardan e da sentiments che marcan la vita! (Emissiun dals 5 da fanadur 2009; redacziun: Sara Hauschild).

Mammas giuvenils

Cun 17 onns daventa Damaris Deck mamma. Sia vita sa mida complettamain. Er Sandra Luzio vegn en speranza gia cun 19 onns, in abort n'è betg in tema per ella. E Hilda Thom sto maridar cun 18 onns perquai ch'ella spetga ses emprim uffant. Las trais dunnas raquintan da lur vita sco mammas giuvenils e dal sustegn ch'ellas han gi en famiglia. La Marella fa er visita al post da cussegliaziun «Adebar». Là constatesch'ins ch'i na dat ozendi betg dapli mammas giuvenils che avant onns. (Emissiun dals 9 da matg 2010; redacziun: Sara Hauschild).

Tgi stueva e tgi vuleva – l'emprima piazza

Cur che Simon Camartin raquinta da l'emprima piazza ch'el ha gi d'uffant, sche na pon ins betg chalar da surstar. Sco matet da 9 onns era el stà giu la Bassa ed el aveva passatà ina dira e lunga stad – cun lavur greva, cun ina chombra miserabla e cun ina servela la dumengia da mezdi enstagl da la liongia da brassar sco ils auters. Fina Signorell aveva tutgà meglier cun sia piazza. Ma lunga era la stad stada er per ella. Cumpareglia cun els dus è l'emprima piazza da Marina Schaller e dad Oliver Nyffeler, ch'han omadus 18 onns, stada curta. 2-3 emnas ha quella cuzza. La Marella lascha vegnir a pled tuts quatter – ed è uschia er en viadi tras il temp. (Emissiun dals 3 da matg 2003; redacziun: Maria Cadruvi).

Star sin atgnas chommas


Avair in di in'atgna butia da flurs u in biro da webdesign. Quest siemi han ils dus giuvenils Giuseppina Cadruvi ed Aaron Wasescha realisà, e quai gia cun gnanc trent'onns. Esser l'agen schef u scheffa n'ha betg mo avantatgs. Els dus giuvenils lavuran intensivamain per lur affar. En la Marella raquintan els da lur plaschairs, lur ristgs, ma er da lur perspectivias. (Emissiun dals 18 da mars 2012; redacziun: Pia Plaz).

La preschentanaziun:

«Marellas» dal Radio Rumantsch: Contribuziuns emessas ils onns 2001-2015, accessiblas en la Biblioteca chantunala sin disc cumpact.

Dapli infurmaziuns:

chatta.ch/?hiid=4734
www.chatta.ch



L'adolescenza – en tschertga da l'atgna identitad e da ses plaz en la societad.

FOTO: PD